

「解脫」的積極意義

解脫。離縛而得自在之義。解惑業之繫縛，脫三界之苦果也

《雜阿含經》卷1：「如是觀受、想、行、識無常。如是觀者，則為正觀。正觀者，則生厭離；厭離者，喜貪盡；喜貪盡者，說心解脫。」

《大乘義章》：「言解脫者。自體無累名為解脫。又免羈縛亦曰解脫——言解脫者。據行方便免縛名脫。就實而辨。自體無累故曰解脫。」

《金光明最勝王經》：「說一切法種種差別，皆得自在，無患無累，增長智慧，自在無礙，是故九地名為善慧」

《瑜伽師地論》：「言離繫者。離九結故。言解脫者。解脫一切生老等故。」

《瑜伽師地論》：「又言厭者。由見諦故。於一切行皆悉厭逆。言離欲者。由於修道永斷貪故。言解脫者。由離貪故。一向安隱於餘煩惱心得解脫。遍解脫者。煩惱斷故。於生等苦普得解脫。」

《顯揚聖教論》：「經言。解脫者。是永斷離繫清淨。盡滅離欲如是等。名之差別。麤重永除煩惱斷滅為體。釋名者。能脫種種貪等繫縛故名解脫。」

《成實論》：「得盡智故名善得心解脫。得無生智故名善得慧解脫。——若說從染心得解脫。是說遮斷。言從無明慧得解脫。是畢竟斷。若從染故。心得解脫。從無明故。慧得解脫。」

《釋禪波羅蜜次第法門》：「略說十種。善法眷屬與動俱起。其十者何。一定。二空。三明淨。四喜悅。五樂六善心生。七知見明了。八無累解脫。九境界現前。十心調柔軟。如是十法。與動俱生。名動眷屬勝妙功德莊嚴動法。」

《阿毘達磨集異門足論》：「苾芻當知。貪染惱心令不解脫。瞋染惱心令不解脫。癡染惱心令不解脫。苾芻當知。此貪瞋癡無餘永斷變吐除棄愛盡離染永滅靜沒。名真寂靜。是故苾芻應成就真寂靜。若成就真寂靜。說名成就最勝寂靜處。是名寂靜處。」